

BE.41. PARRIPE NI TUHANTA (F=1)

=====

B.E No. 41 PARRIPE NI TUHANTA BL 153

1. Parripe ni Tuhanta Sai hehe ma hamu Sai jangkong ma Rajanta Marroha na burju
Girgir ma hita be Marende di Ibana Manjouhon Hosianna Burju ma sasude
2. Hamu na marsak roha Jonok do Raja i Na ro mangapul roha Ni nasa na tungki
Torop nuaeng tahe Inganan hasonangan i I ma partangiang Ni na porsea i
3. Hamu na so mararta Di hasiangon on Na mora do Rajanta Na ro tu hita on
SarihononNa do Saluhut na hasea Alai saluhut jea PabalionNa do
4. Antong girgir ma hita Manomu raja i Mangungkap di Ibana Sandok rohanta i
Denggan tabaen nuaeng Dalanna tu rohanta Na naeng pasonangonNa Tiur ma i tabaen
5. Godang do lehononNa Di hita sasude Sai naeng do bongotonna Nuaeng rohanta be
Tung ise hita on Manjua paluaon Manjua pasonangon Ni Raja i antong ?
6. O Jesus sai bongoti Ma dohot rohangkon Asi rohaM ingani Ma tondingki tongtong
Patiur langkangki Lao tu banuagingjang ai naeng marsonangsonang Hupuji Ho disi